


湖南苗防屯政考

7邊  
1992  
10





門 7 4  
1332  
卷 10



湖南苗防屯政考卷八

志氣概事責亦皆二品銜前署湖南辰永沅靖道但湘良纂

均屯四

附奏清查苗疆均屯田土片

嘉慶十九年

湖南 巡撫 廣 厚

再苗疆礮卡屯防一切事宜傳爾所定均甚周妥實可永遠遵守  
惟均屯田土所取租穀與詳明報部之數多少不符原奏少報田  
土二萬餘畝少報屯苗租穀二萬有零追查從前原奏較少之故  
在傳爾毫無私見原為苗疆距省較遠遇有零用必須通融之處  
調解維艱是以稍畱有餘以備支絀其修建屯倉苗倉義學等項



均於備貯穀內借動詳明分作五年六年在於所取餘租內補還不知租穀非他項錢糧可比不但年歲稍歉必有短絀即收成豐稔之歲刁頑佃戶亦有拖欠取不足數是以歷年皆有欠缺甚至二十六兩年即經費亦不敷用均於備貯穀內借動此均屯租穀多收少報及借動備貯穀之實在情形也昨經面奏必須揀派委員另爲核實查明分別妥辦業蒙

聖鑒

臣於到省後即與署撫臣陳士及藩司翁元圻臬司恆再四酌商查有永順府福順人甚正當幹練結實永綏同知蔣紹宗體面老成辦事實心皆堪委查即派令會同署辰沅道姚興潔及原辦各屯備等將田土租數逐一據實詳查開造實在數目其租穀或

有田土稍瘠原定之數本多即將實可取若干應減若干即遇稍歉之年不致拖欠過多造冊詳送藩臬確查再由臣會同督臣馬慧裕核實具奏其經費等項仍照傅鼐原報之數報部查核以免駁雜如有多餘即先分年歸還傅鼐原借備貯之穀其應畱道廳賞需及租穀變價運腳等項合無仰懇

皇上天恩卽照面奏每年詳報總督巡撫兩衙門據實查核存案如有虛捏弊混卽行查參庶經費不致短絀而租穀皆歸核實矣理合將派員查核緣由謹附片奏

聞奉

硃批查明具奏欽此

月有首古臣文考

卷八

均屯四

七



奏為苗疆均屯田土酌量減租節用摺  
 嘉慶十九年  
 湖南巡撫 廣厚  
 奏為苗疆均屯田土租穀委員確切查明酌量樽節支用足敷經費  
 並酌議借墊各銀穀分別捐賠歸補以垂久遠事竊照前臬司傅  
 鼐於道廳任內籌辦邊務盡心竭力悉臻周妥節經前撫臣  
 一切聽其通融辦理并奉  
 諭旨務勿致伊犁肘等因在案迨  
 奴才於嘉慶十七年查閱苗疆查知  
 丈收田土少報二萬餘畝收取租籽少報二萬餘石而所貯銀穀  
 均已墊用無存恐有浮冒侵蝕等弊當飭署辰沅道姚興潔將田  
 租實數查明造冊呈送飭司議核上年  
 奴才進京

奏查明苗疆均屯田土酌量減租節用摺

嘉慶十九年

湖南巡撫 廣厚

奏為苗疆均屯田土租穀委員確切查明酌量樽節支用足敷經費  
 並酌議借墊各銀穀分別捐賠歸補以垂久遠事竊照前臬司傅  
 鼐於道廳任內籌辦邊務盡心竭力悉臻周妥節經前撫臣  
 一切聽其通融辦理并奉  
 諭旨務勿致伊犁肘等因在案迨  
 奴才於嘉慶十七年查閱苗疆查知  
 丈收田土少報二萬餘畝收取租籽少報二萬餘石而所貯銀穀  
 均已墊用無存恐有浮冒侵蝕等弊當飭署辰沅道姚興潔將田  
 租實數查明造冊呈送飭司議核上年  
 奴才進京

諭旨務勿致伊犁肘等因在案迨  
 奴才於嘉慶十七年查閱苗疆查知  
 丈收田土少報二萬餘畝收取租籽少報二萬餘石而所貯銀穀  
 均已墊用無存恐有浮冒侵蝕等弊當飭署辰沅道姚興潔將田  
 租實數查明造冊呈送飭司議核上年  
 奴才進京



陞見當經面奏

聖鑒本年回任後復奏委永順府知府福順永綏廳同知蔣紹宗會同姚興潔核實清查欽奉

諭旨查明具奏欽此現據確查稟報由藩司翁元圻臬司徐核明擬議詳請具奏前來奴才復查傳備節年在各廳縣均辦民苗田土經前撫臣阿林保臣景安於嘉慶十年及十二三兩年奏報共丈收田土十三萬一千六十四畝六分除給屯長屯丁老幼丁等領耕田三萬七千八百四十九畝六分餘田土九萬三千二百十五畝召佃收租歲徵額租七萬九百二十一石二斗以供鹽菜經費復因苗疆距省寫遠設有急需調解維艱兼以辦公賞需及租穀

變價運腳折耗辦屯委員薪水夫馬紙張管倉屯弁長查田催租盤費飯食鎮城匯辦屯防檔案及收支兩總局各廳縣屯局經書工食紙筆檢蓋倉廩修製斗斛器具添製練勇軍裝苗弁因公往來盤費等項在所必需斷不能例外請銷遂照民間佃戶租種田土區以等差於正租之外徵收餘租二萬八千餘石作為外銷籌款按年支用又十四年傳備詳報丈收田土一萬五千二百一十九畝三分十六年以後續查出田土五千八百七十三畝二分均未入奏報部前項田土除撥給營兵等領耕及撥補水衝沙壓并礮卡圈佔田土一萬一千八十四畝三分外實餘田土一萬八畝二分每年徵租五千六百六十三石二斗亦歸入餘租內撥作加



增書院義學修葺城工等項之用查邊防經費專藉屯租而豐歉靡常須籌接濟是以前撫臣阿林保奏明於攤扣三成軍需銀兩展扣二年共銀六萬兩發交傅鼐買穀四萬石餘銀二萬零五百八十兩以爲儲備而正款應支之苗糧項下豐歲盈餘存爲苗倉積貯除支銷外現應存穀二萬一千七百五十三石五斗以上共備貯銀二萬五百八十兩屯苗積貯穀六萬一千七百五十三石五斗是經費有資儲備有款辦理原極周妥惟苗疆高阜山田雨澤稍稀卽形乾涸近溪田畝又多衝刷之虞一遇歲有不登逋欠纍纍且屯田每畝納穀一石數斗至少者亦徵五六斗加於內地民糧十餘倍勢難如數取盈是以歷年租穀多有欠缺甚至十二

十六兩年大屬歉收經費不敷而正籌各款不能減省均於儲備銀穀內借動計傅鼐任內先因丈收均田各苗弁借領丈田經費穀六千五百五十石又詳明動借墊辦屯弁官房屯苗倉廩書院義學等項尙未歸補銀一萬八千五百四十八兩又因十二年荒歉動借穀九千五百二石五斗又以倉廩公所抵交穀一萬三千九十七石七斗姚興潔任內因十六年大歉正籌各款不敷動借銀二千三十二兩穀二萬二千五百七十三石一斗合計傅鼐姚興潔兩任共借動銀二萬五百八十兩穀四萬九千二十三石三斗未能補還奴才因苗疆均屯田土租穀均有加多而儲備銀穀悉皆動墊恐有侵隱混冒等弊若不亟爲清釐旣無以杜弊端而



邊疆積貯更非妥爲籌畫不足以垂久遠茲派委委員會同澈底查明據實稟報查苗疆田土磽瘠每年正額餘租共徵至十萬五千四百餘石本屬過多今按則核實酌量共須減去租籽五千五百石以紓佃力每年定以額租九萬九千九百八十八石三斗九升現查自嘉慶十年初立屯防起至十八年止九年之中豐歲可收至十萬石極少之年亦收至七萬石酌中計算常年總可收至八萬餘石近年苗情甚爲甯謐迥非傳聞畱防甫撤均屯經始之時可比每歲除應需官俸兵餉口糧等項各正款共需穀七萬五千四百餘石其外銷籌款竭力撙節祇准支穀一萬一千六百餘石如有盈餘卽由道報明存貯正銷籌款共計歲支穀八萬七千

一百餘石豐歉相牽總可敷用所有正銷各款請仍照傳聞原定之數報部核銷其詳案及籌銷各款向未報部有案應請免其報部由該道每年據實詳報督臣及奴才衙門察核如查有浮匿虛冒卽行參奏治罪以示懲儆至備儲項下現僅存穀一萬二千七百三十石二斗動缺銀二萬五百八十兩穀四萬九千二十三石三斗自應設法補還以實邊儲而備積貯內傳聞借給各苗弁支領丈田穀六千五百五十石本係各苗人自行存積因公動支今已歷數年查核情形實在無力繳還應懇

聖恩

准予豁免以紓苗力又傳聞以倉廩等項抵交有著穀一萬三千九十七石七斗外共短銀二萬五百八十兩穀三萬二千七十五



石六斗以穀一石作銀一兩共計銀五萬二千六百五十五兩六錢查得傳需動墊各款洵屬因公不但人所共知並無絲毫情弊即其急公經理之心久已上邀

聖鑒

實可信其無他惟苗疆要地備儲銀穀未便虛懸今奴才擬捐養

廉銀六千兩藩司翁元圻亦願捐四千兩尚短銀四萬二千六百餘兩復再四籌商請照前次通省攤扣三成軍需再展攤一年計銀三萬兩以資歸補尚少銀一萬二千六百五十五兩六錢署道姚興潔支用各款雖苗疆文武共見共聞嚴查尚無弊竇即其辦理苗疆尚能遵守傳需舊章數年以來均甚安靜但自十五年接任以後一切照常支發不能節省以致毫無歸補究屬持籌不善

應責令照數賠繳俟完交後再行奏請實授送部引

見此

後備儲銀穀著落該道出具切結好為收貯即有要需并實係款

收如租穀收不足數非詳奉批准奴才等奏明不得再行擅動所

有奴才清查核議緣由理合會同湖廣總督臣馬慧裕恭摺具奏

伏乞

皇上睿鑒訓示遵行謹奏奉

上諭廣厚等奏查明苗疆均屯田租酌將借墊各銀數分別捐賠一摺

湖南苗疆經費前經展扣三成軍需銀六萬兩發交買穀四萬石並

餘銀二萬零五百八十兩以為儲備又苗糧盈餘存倉穀二萬一千

七百五十三石零因節年荒歉及墊辦公用借動前項銀兩並動用



海國百賦正考 卷八  
穀四萬九千二十三石零此內各苗弁借支丈田穀石現據廣厚查明實係因公動用自應卽速補還以實邊儲著照所請將各倉厥等項抵交穀一萬三百九十七石七斗外其所短銀二萬五百八十兩穀三萬二千七十五石六斗以穀一石作銀一兩共計銀五萬二千六百五十五兩六錢准將廣厚捐銀六千兩翁元圻捐銀四千兩並通省准扣三成軍需展攤一年計銀三萬兩歸補尚短銀一萬二千六百五十五兩六錢卽著辰沅永靖道姚興潔照數賠繳嗣後備儲銀穀如遇要需及租穀歉收不敷非核實奏明不得擅動該部知道摺併發欽此

奏懇鼓勵隨同查辦均田委員摺

嘉慶十九年

湖南 巡撫 廣厚

奏爲佐雜委員隨同查辦均屯田土租穀實力清釐可否仰懇

聖恩加以鼓勵事竊照試用從九品王覺於嘉慶六年派赴苗疆隨同傳儒修邊屯防該員悉心經理不辭勞瘁辦理極爲周妥至嘉慶十年邊防戡事最著勞績經前撫臣保奏欽奉

諭旨准以苗疆縣丞經歷陞補此次清查屯防田土租穀因其平日誠實可靠復委令隨同署辰沅道姚興潔等到處履勘悉能得其實在纖細不遺兼之熟諳苗情洵爲不可多得之員前經咨補乾州廳經歷旋奉部議以尙未補缺人員與陞署之例未符駁飭查該



海國百賦正考 卷八  
員係川楚歸班人員按其年分已逾十餘載因後來各班積壓以致補缺無期終無陞補之日是

皇上已經逾格施恩而該員竟致年久尚屬虛懸合無仰懇

鴻慈俯念該員在苗疆十有餘年歷著勞績請免其先補從九品缺遇有苗疆縣丞經歷缺出卽行補用該員自必益當感激奮興矣又試用縣丞徐日海係傅鼐親壻向來在南隨同傅鼐辦理屯防事宜深得其力並在苗疆隨同打仗數次甚爲勇往嘉慶十年由捐納縣丞分發江西十六年奉委來楚催提咨追銀兩適傅鼐病逝經前撫臣令其幫同料理並令送柩回籍隨聞訃丁憂接丁母憂現已在籍呈報服闋起復仍來湖南清理傅鼐之事適因清查屯

防田土租穀經臣委令隨同查辦該員隨侍傅鼐十餘載一切苗疆諸事無不竭力幫辦屢著勤勞人亦明白深悉苗情茲清查田租靡不井井有條現在民苗均極悅服該員在江西不過一尋常試用之員可否仰懇

聖恩俯准將徐日海改發湖南遇有苗疆縣丞經歷缺出卽行補用庶得一熟諳能事之員於苗疆均有裨益臣因苗疆緊要必須熟諳苗情得有接續之員起見不揣冒昧謹會同湖廣總督臣馬慧裕恭摺具奏伏乞

皇上睿鑒訓示遵行謹

奏嘉慶十九年九月十二日奉

湖南苗方屯考

卷八

均屯四

九



上諭廣厚奏懇將隨同查辦均屯田租之委員王覺等量加鼓勵一摺苗疆緊要必須熟諳情形之員以資經理今試用從九品王覺試用縣丞徐日海在苗疆十有餘年於派委查辦均屯田租俱能實力清釐著照所請王覺准免其先補從九品本缺徐日海准其改發湖南遇有苗疆縣丞經歷缺出俱著即行補用欽此

奏陳苗疆事宜六條摺 道光元年 刑部 侍郎 張映漢

奏為楚省苗疆應行籌酌事宜請 旨飭交查議事竊 臣前於 召見之日蒙 皇上垂詢苗疆緣口奏不能詳備謹遵 旨繕摺恭呈仰祈 聖鑒 臣

上年在湖廣總督任內七月有餘苗疆遠隔湖南尚未及親履其地然因邊境緊要於到任後即隨時遇事體訪又檢委熟悉該處情形之員密往查勘尚未據覆到多有應因時調劑者敬為我皇上一一陳之



一屯丁承種均田應請循照定案作為世業俾養其身家也查初設屯丁時皆於均田之戶及出力之鄉勇內挑補令其身充屯丁卽承種均田是以經久章程案內奏明如遇屯丁缺出准其子弟頂補作為世業故自均田之後苗民均各安帖近日臣體察風聞遇有屯丁缺出該處之委員及屯官等閒有以其隨帶私人頂充而屯丁之子弟轉有不得充補者似此紛紛效尤積年累月必致均田全屬外來之人佔據其本來屯丁之子孫漸為無業之游民無恆產者無恆心似應為杜漸防微之計應請

飭令該督撫臣責成辰沅永靖道將鳳凰乾州永綏古丈坪保靖麻陽瀘溪七廳縣苗疆地方確實查明凡有屯丁缺出仍令均田等戶

之子孫兄弟頂補奉為世業概不得以外人攙雜以符舊章而永樂利

一額徵屯租宜量為輕減以廣

皇仁而紓民力也查苗疆鳳凰等七廳縣實存經費田六萬九千五百六十四畝有奇均分與屯丁等承種每年額收歲租九萬九千九百八十八石有奇以為苗疆經費之用該處土性磽瘠上等之田確遇豐年每畝不過收淨穀四石而應繳租穀每畝正數雖只收一石八斗加以挑運盤費斗面折耗總須二石一斗零方敷完納所餘不及一半再除牛力籽種外苗民終歲勤動每畝僅得穀一石為糊口之資偶值歉收請緩加以遞年帶徵更形竭蹶承佃者



率皆窮苦苗民追呼似覺可憫惟是苗疆經費有常必須通盤核算方無支絀以臣所體訪前項歲收租九萬九千九百八十餘石其每年支銷各款實只須八萬石卽此八萬石內其虛糜浮濫可以裁汰者仍復不少卽如苗兵操演火藥修理器械等款歲銷穀二千餘石查自嘉慶十五年奉

諭毋庸操演以後久經停止而每年仍舊開銷殊爲虛冒自應切實裁汰又如歲修隄工廟宇津貼營兵並育嬰堂養濟院等款按名目似屬緊要但城工廟宇斷無年年修整之理至於育嬰堂等項之用風聞亦均係有名無實又如屯官之書識跟丁自應於該處現食鹽糧之練勇內撥充以免另給工食何以另行招募致滋糜費

再應支發款內有可發穀者應卽核定發穀有應授田者應卽酌量授田不但事歸簡易且可省運費津貼之資就臣所知者每年約計已可擷節裁減穀二萬餘石竊恐此外浮費尙多且上年又經前督撫臣奏准發借帑金十萬兩交商按一分生息每年應得息銀一萬二千兩以五千兩歸還原借帑本以七千兩撥給辰沅永靖道除陸續歸補歷年豁免佃欠及借墊各項外其餘銀兩作爲津貼苗疆經費之用是租穀之外又加此項生息銀兩其各項支銷自愈覺寬裕則每年支銷穀八萬石原數更可節省其支銷既省在苗民輸納亦應從減應請

飭下該督撫臣責成辰沅永靖道確切查明將原定額收歲租九萬九



千九百八十餘石之數按戶按畝量為輕減據實具奏候

旨遵行如蒙

恩允則苗民仰沐

皇上輕徭薄賦閭閻咸臻熙皞矣

一苗疆七廳縣應寬為積貯以備歉歲接濟苗民口食並稍寬鹽禁以資安輯也查當年奏案內苗租項下每歲有餘租四千石原為積貯接濟苗民之用自嘉慶十一年設立屯防起至二十五年止已閱十五年計應存穀六萬餘石即除荒年佃欠外亦應存穀四萬餘石再加以每年支銷餘贖之穀為數自應不少上年該處夏旱秋潦民苗生計孔艱冬春之間正賴積貯接濟臣風聞現在

儲備穀僅存一千五百石何至如此之少殊不足信此係辰沅永靖道專司之事必係節年以來該道缺正署疊更其閒輾轉交代或挪年分含混交收或以節年帶徵影射作抵恐其中情弊不一而足查現任辰沅永靖道趙文在人尚結實且係由苗疆廳員疊蒙

天恩遞陞苗疆府道受

恩深重且正當新舊交代之際應請

飭下該督撫臣嚴督該道趙文在將歷年倉儲澈底清查究應實貯若

干因何短少如查出虧短之員一面嚴叅一面將應積穀石如數

追賠務令實貯在倉永為苗民緩急接濟之用倘稍有含混惟現



任之道員是問再苗疆地方本有例銷淮鹽但崇山峻嶺水路二千餘里淮商成本攸關萬難運賣卽遇有水販運往而色黑味苦灰土攙雜苗人不識爲何物是以自有生以來皆食川鹽惟係淮引應銷之地若任聽川鹽公然浸灌是下游全無藩籬但亦應因地隨時酌量調劑可否嗣後凡遇川私大夥負販入境自應責成地方文武嚴緝以堵侵越至於山徑僻路肩挑小販不過在四五十觔以下專爲該處苗民買食者或可准其零星入苗疆挑賣庶免苗民淡食之虞且符荒政輯要暫寬鹽禁之條以示體卹一屯務應令該管之廳縣督辦裁汰委員以專責成而節浮費也查屯防初設時新授屯官率皆武夫戰卒一應清丈田地查造冊

檔不得不用委員幫辦現經十餘年之久屯務皆已定規照例收放現在之屯官屯長儘堪勝任並責成各該廳縣就近督理由該本道總司出納如屯官內有不能勝任者卽可由該廳縣詳明更換最爲簡捷乃近日仍照當年舊章由該道另行委員分屯經理徵收查委員既非原辦熟手又於苗民利弊一概不知此等人員大半捐納佐雜補缺無期其中自愛者固有而窮急不肖者勢所不免非甘爲該道用人通同舞弊卽任意赴屯滋擾而仍給與經費其地方之該廳縣轉皆置身局外殊爲有損無益應請

飭令

該督撫

嗣後將各屯委員概行裁撤專責該廳縣督率屯官切

實經理既免騷擾苗民體制亦昭整肅且可節省委員濫費



一差役毋許徑行拘傳苗人以杜詐擾也查善後案內奏設苗弁凡苗人訟案有應到官質審者令往傳喚以免差役徑傳藉端索詐疊經飭禁有案近聞日久遂漸弛禁甚至有假差擅入苗寨勾引窮苗或認爲義子或收爲門徒令妄指殷實苗人平空架訟苗人語言不通無由控訴似此積忿日久慮生事端應請

飭令該督撫

臣

出示明白曉諭一面嚴行查禁如有差役私入苗寨者

准該屯官鎖押解送該廳縣通詳嚴辦倘該廳縣稍事袒徇由道查實嚴叅庶苗人各安生業

一苗額舉人不應阻抑會試以示鼓舞也查嘉慶十二年

恩准湖南省鄉試另編田字號取中苗疆舉人一名每科如額取中苗

人咸以爲榮遂多有奮志讀書以求上進者除官設義學外並有自行延師課習者似此上等咸知奮志功名次之亦可稍知禮義再次亦可潛移其頑梗之風而柔其血氣最爲善政乃自設額以來每科雖取中舉人一名而總未見會試大抵由於地方官書吏於其請咨時欺爲愚魯橫行索費以致阻抑其向上之志臣在總督任內曾經札查而未據該地方稟復且未屆會試之期無從飭辦明歲恭逢

恩科會試應請先期

飭令該督撫

臣

轉飭該廳縣凡苗額舉人除不願會試者聽其自便外

其有呈請詳咨會試者立予詳請給咨由廳縣而藩司至巡撫衙



門一體嚴禁書吏索取規費以免阻抑再查

朝廷曠典凡各省會試舉人如雲貴等遠省例准其馳驛赴京其餘省分按程途遠近給與公車銀兩若苗舉人有願請咨會試者可否仰邀

皇恩照各省民籍舉人會試之例分別給予公車銀兩或准令馳驛並令該督撫臣一併先行出示曉諭則苗人讀書者必以為非常榮耀倍加鼓舞苗俗日增良美矣以上六條皆臣在任時體察苗疆有關利弊應行籌酌之事先經札飭辰沅永靖道趙文在並委湖北黃州協都司鄭國鴻密查稟辦尚未據復到臣即起程北上並無攜帶案卷僅就臣平日鈔錄應行要件並記憶所及恐亦未能

詳晰謹遵

旨據實臚陳奏

聞惟求

天恩

飭令湖廣總督湖南巡撫臣逐細詳查案據妥議具奏請

旨施行是否有當理合繕摺恭奏伏乞

皇上聖鑒訓示謹

奏奉

上諭據張映漢奏籌議苗疆事宜一摺湖南苗疆舊定章程原欲使苗民永遠樂業相安無事乃近日漸就廢弛如摺內所稱屯丁缺出屯



官自以隨帶私人頂充其屯丁子弟轉致失業日久必啟爭端至苗疆租賦應從輕減俾安樂利但減租先須省費現在租穀支銷既多有名無實之款自應核實裁汰量入爲出以垂永久其七廳縣倉穀貯備旱潦之需如有虧缺更宜嚴行查辦稍寬鹽禁以免苗人淡食亦可量爲變通至差役私入苗寨本干嚴禁應飭廳縣各衙門實力奉行苗額舉人例准一體會試當嚴禁書吏需索或酌給公車路費俾知踴躍以上各條張映漢在楚體察較真著陳若霖會同左輔逐一查明妥籌辦理務令苗民不受侵擾之累地方緩急有備撫字得宜庶永享綏安之福也張映漢原摺著發給閱看將此諭令知之欽此

會奏籌議苗疆事宜六條摺

道光元年

奏爲遵

旨查辦苗疆事宜熟籌妥議恭摺覆奏仰祈

聖鑒事竊臣等承准

廷寄道光元年四月初十日欽奉

上諭據張映漢奏籌議苗疆事宜一摺湖南苗疆舊立章程原欲使苗民永遠樂業相安無事乃近日漸就廢弛如摺內所稱屯丁缺出屯官自以隨帶私人頂充其屯丁子弟轉致失業日久必啟爭端至苗疆租穀應從輕減俾安樂利但減租先須省費現在租穀支銷既多

湖廣總督陳若霖  
湖南巡撫左輔



有名無實之款自應核實裁汰量入爲出以垂永久其七廳縣倉穀貯備早潦之需如有虧缺更當嚴行查辦稍寬鹽禁以免苗人淡食亦可量爲變通至差役私入苗寨本干嚴禁應飭廳縣各衙門實力奉行苗額舉人例准一體會試當嚴禁書吏需索或酌給公車路費俾知踴躍以上各條張映漢在楚體察較真著陳若霖會同左輔逐一查明妥籌辦理務令苗民不受侵擾之累地方緩急有備撫字得宜庶永享綏安之福也張映漢原摺發給閱看將此諭令知之欽此仰見我

皇上惠愛民苗籌計安全之至意臣等跪讀之下欽服難名伏思苗疆自嘉慶二年大兵戡定該處士民知身家非兵勇莫衛兵勇非屯

田莫養各願將田均出歸公以資兵勇養贍前任辰沅永靖道傅鼐修礮築堡挑丁練勇陸續丈收田土共十三萬一千零六十四畝六分分別給丁領種召佃收租經前撫臣阿林保等奏定章程每年額徵佃租七萬九百餘石以供屯防經費所有原設畱防之鄉勇士塘苗兵均皆停支鹽糧令其歸屯領耕且耕且守計每年節省

國帑八萬二千餘兩糧米六千三百餘石以本地所生之財爲本地衛民之用洵屬籌邊良法嘉慶十四年又續丈出田土一萬餘畝每年徵租五千六百餘石以爲加增書院義學試資等項之需教養兼施尤屬美備復因辦公賞需變糶運腳折耗並催收租穀夫



馬盤費匯辦屯防檔冊津貼修整器具各項工食等款支銷在所必需又續於正租之外徵收餘租二萬八千九百餘石以爲支銷經費每歲計徵正餘租穀十萬五千四百餘石遂致佃力拮据屢有拖欠嗣於十九年前撫臣廣厚因苗疆租數過重徵收難於足額減去租穀五千五百石奏明歲徵租穀九萬九千餘石此苗疆設立屯防徵租供支之原委也臣左輔上年到楚體察情形苗疆均屯田土皆多瘠瘠以致水旱偶有不齊收成輒形歉薄閭閻恆鮮蓋藏臣以田土固屬瘠薄若以人工培治未嘗不可轉爲肥饒此在各屯弁等盡心勸課自收實效並聞在屯委員日久玩生有以隨帶私人頂補丁缺等弊當卽列款札飭辰沅道趙文在分別

詳細查辦適臣陳若霖到任欽奉

諭旨會同查議仰見

聖謨廣運凡所

指示悉屬邊防至計臣等遵卽會飭辰沅道趙文在及委員永順府知

府諸加杏永綏廳同知蔣紹宗湖北提標中軍參將鄭國鴻等按款查明妥議詳覆一面將屯官私補丁缺差役私傳苗人及委員辦屯三款先行禁革業經臣陳若霖附片奏蒙

聖鑒茲據該道等查明分款籌議由藩司錢臻覆核議詳請奏前來臣等覆查苗疆未經戡定以前民人田產盡爲苗佔自設屯以後各將田土均出歸公而苗人佔叛田產亦俱呈繳入官多賴佃種官



田以資餬口嘉慶二十四五兩年疊逢旱歉各佃無力完租經前督撫臣奏奉

恩旨俯准緩帶徵還現在佃力拮据難以完納經臣等另行恭摺奏懇蠲免臣等竊思苗疆治安日久生聚漸繁而該處田少山多地皆磽瘠小民水耕火耨終歲勤動所獲無多在豐稔之年收穫穀石除完納外僅敷口食本鮮餘蓄一遇歉收卽形匱乏查屯防租穀自加餘租之後本屬較重現在若仍照額徵收佃力實形竭蹶自應大加酌減俾資事畜臣等與該道等悉心酌核應請於額租內均勻減去穀一萬八千石並於田土全行歸公及最爲瘠薄之區再減去二千七百七十石實徵租穀七萬九千餘石仍飭該道於

屯弁內挑選熟諳農務之員督率百總小旗人等勸課各佃多開塘堰培治田土如每歲收穫豐盈著有成效加以獎拔倘有任聽荒蕪亦卽嚴行懲儆地利旣厚民生自足其屯丁內之並非均田本戶及出力丁勇子孫或非土著之人概行革退遵照舊定章程另行僉補佃租旣減一切屯防經費尤宜撙節支銷咸歸實用所有苗兵火藥及委員冗費等款均應核實分別裁減共應減去經費及餘穀二萬七百七十石每年實需支銷銀穀七萬九千餘石適符現議徵租之數飭令該道以後詳慎經理毋許稍有虛糜至苗疆儲備積貯銀穀原爲緩急不時之需因歷年屯防經費不敷共動缺銀穀六萬九百二十餘石現只存穀一萬七千五百六十



海防中政考 卷八  
餘石<sub>臣</sub>等飭據該道趙文在與委員永順府知府諸加杏等查核並無侵欺浮冒現經<sub>臣</sub>等籌議另行恭摺奏請借款歸補以實邊儲嗣後如有要需及歉年收租短絀須由道詳經<sub>臣</sub>等奏明再行借動如有虧挪霉變等弊應照平常倉儲之例分別參賠以昭鄭重所有經管屯防佐雜各委員均已裁撤並將不協苗情之永順縣典史王允吉候補縣丞陳樹梓咨部分別休革外一切經徵支放悉歸該道廳縣屯官經理嚴禁差役擅入苗寨拘傳苗人如有勾攝等事遵照舊章由苗弁傳喚以符政體而免擾累苗舉人歷科均未請咨進京會試現經查明實因伊等自知文理平常難與各省貢士校藝是以均未赴京應試並無胥吏勒索抑措之弊茲

復籌議添補膏火令苗舉人俱入書院肄業俟文理稍優於照例給與公車銀兩外再行由道酌給盤費俾知奮勵其不願會試者仍聽其便又苗疆遠處邊隅准鹽不能隨時運到若不量爲變通民苗誠有淡食之虞然聽其買食私鹽又恐浸灌日甚於淮綱殊有關係應請查照湖北歸州巴東等州縣之例如遇淮鹽不能接濟聽民買食川鹽不得過十觔之數以便民食而資調劑以上各條<sub>臣</sub>等悉心會籌審計將屯防款目斟酌損益民苗利弊分別興除徭賦既得輕減支銷亦歸核實<sub>臣</sub>等仍諄飭該道督率廳縣實心經理加意撫綏可期恆久不弊苗疆永遠相安以仰副

聖主又安邊圉之至意所有會查妥議緣由謹合詞恭摺具奏並將議



復各款另繕清單敬呈

御覽刑部侍郎臣張映漢原摺謹附恭繳伏乞

皇上聖鑒訓示謹

奏奉

硃批另有旨原摺留覽欽此

謹將議覆湖南苗疆事宜開列條款清摺恭呈  
一據刑部侍郎臣張映漢奏稱屯丁缺出委員屯官間以隨帶私人頂充而屯丁子弟轉有不得補充者積年累月必致均田全屬外來之人佔據應查明仍令均田等戶之子孫兄弟頂補以符舊章等語臣等查鳳凰乾州永綏古丈坪保靖五廳縣額設屯丁七千名經久章程案內奏明於均田之本戶及出力之丁勇內挑選授田令其且耕且守奉為世業洵屬寓兵於農之法凡遇屯丁辭退病故開除丁缺自應查照章程頂補不得外人攙越惟嘉慶十九年永綏廳裁汰廳標額兵議令歸營拔補名糧其中不願入營

御覽

均屯四



之兵閒有該廳及委員跟丁者求於屯防拔補丁缺經前署永綏  
廳同知李慶茂稟道准予拔補以致浮議漸生查汰兵原議歸營  
該署廳李慶茂率請拔補屯丁致佔丁缺有紊舊章該員業經病  
故應毋庸議其委員等閒亦有以跟丁頂補屯丁究係援照頂補  
尚非無因亦請免議現據該道趙文在及委員等查明有汰兵鄭  
國科等頂補丁缺已悉令將田退繳仍照原議送營拔補其退出  
之田卽查應補之丁僉充領耕俾守恆業臣等飭該道趙文在遴  
選熟諳農事之屯弁督令百總小旗人等勤加勸課多開塘堰一  
切隨時致力務得耕耨之宜以期瘠土可肥薄收可厚如能有  
實效分別量予獎拔以示鼓勵倘有怠弛任聽荒蕪者亦卽加以

懲儆地利收而民生厚庶於屯政大有裨益

一據刑部侍郎臣張映漢奏稱該處土性磽瘠應繳租穀每畝雖  
只收一石八斗加以挑運盤費斗面折耗總須二石一斗零方敷  
完納倘值歉收請緩加以遞年帶徵更形竭蹶應量爲輕減惟是  
苗疆經費有常必需通盤核算方無支絀按每年支銷各款虛糜  
浮濫可以裁汰者卽如苗兵操演火藥修埋器械等款查自嘉慶  
十五年奉

諭

毋庸操演而每年仍照舊開銷又如歲修城工廟宇津貼營兵並育  
嬰堂養濟院等款按名目似屬緊要風聞亦均有名無實又如屯  
官之書識跟丁應於該處現食鹽糧之練勇撥充以免另給工食



再應支發款內有可發穀者發穀有應投田者投田事歸簡易可省運費津貼之資等語臣等查屯防佃租自嘉慶十九年清查案內奏定額徵九萬九千九百八十八石三斗九升歷年照額徵收以供經費惟屯田多在高阜土性瘠薄雨澤稍稀卽以乾旱爲虞各佃上繳官租雖遇年登之歲尙難如數取盈若遇歉年逋欠纍纍徵收各有短絀經費卽屬不敷今爲苗疆經久之計誠如

聖諭

減租先須省費臣等將歷年支銷以及徵租各數詳細稽核如條奏內應裁各款除津貼營兵穀五百石業據前任辰沅道姚興潔於嘉慶十九年清查案內詳明裁省外其苗兵火藥委員穴費以及歲修城工廟宇等款悉行遵照裁汰共省銀穀三千五百七十

三石五斗二升其屯官之書識跟丁改以練勇撥充除應畱稟書七名仍給工食並加閩銀五十一兩一錢八分外計減銀一千二百兩又老幼丁未能授田者一百九十七名應仍於屯防項下支銷穀四百七十二石八斗外其應授田土者現在各丁查照原定章程分授田土計應減口糧穀三千三百一十二石至育嬰堂養濟院二項實爲慈幼卹貧善政應行酌畱以普惠養惟查永綏廳另設有殘廢丁一款支銷應裁去養濟院項下穀一百石此外臣等復查有每年應存之苗租積貯苗寨現在實貯及另議歸補已有穀一萬七千九百石足資接濟伏思嘉慶十五年苗兵停操

聖訓計遠慮周以此類推苗倉未便再行添貯應將每年應存苗倉積



海百百... 卷八  
貯穀三千五百五十石悉行裁汰以減苗租又每年佃租支銷屯防經費之外應餘租穀五千餘石連年各道均因佃欠徵不足數並無餘存竟屬有名無實自應減此餘數以歸實在應減五千九百三十五石又廳縣等官辦公穀酌留一半足敷撫綏賞賚之需應減穀一千二百石又各處倉厰應行歸併所有歲支修葺倉書斗級工食以及盤折撥運等費共減穀七百石又修理水衝沙壓田土支銷多寡原難預定現有漢高息銀以補經費不敷之用此後修理應於息銀內實用實銷不必預爲定數致滋虛冒應將前定修費穀內裁減一千二百石統計裁減銀穀二萬零七百七十石每年尙應需經費銀穀七萬九千二百一十八石零內共應發

穀五萬三千三百七十一石七升發銀二萬五千八百四十六兩六錢八分五釐九毫三絲二忽是經費既減租賦即可從輕應於民苗佃種田土內按則派減租穀一萬八千石再於瀘麻二縣之最瘠田土並鳳永二廳民苗田土全行歸公之處已無餘業佃情更窘再減穀二千七百七十石以紓佃力而厚民生統計共減租穀二萬零七百七十石核與現議應存支款數目相符飭令該道查明各廳縣議減租籽細數分晰造冊另行詳送查核其從前正署各道虛銷苗兵火藥一項據該道趙文在會同委員等查明前道姚興潔任內自嘉慶十九年清查以前動用各款業已奏結其清查以後起至二十二年止三年報銷之穀係爲添製練勇鍋帳



等項之用並未領項請銷現在鍋帳等項齊全貯庫其前護道袁廷極任內自二十二年起至二十五年報銷之穀係因前道姚興潔流攤墊造苗地公所及添建倉廩等項卽藉此款彌補清楚均有案據雖非實用實銷尙屬以公濟公並無侵漁入己且前道姚興潔久經病故護道袁廷極已另案參辦應毋庸議所有屯防支銷各款經此次裁減之後悉歸撙節各佃於正供之外多得盈餘足贍身家其應納租穀自必踴躍輸將卽責成該道督率廳縣會同屯備弁等實力催徵年清年款據實具報倘遇大歉之歲詳經臣等委員勘明奏請照例分別蠲緩其當年經費不敷由道督率廳縣查明確數詳請籌款撥用不許私動儲備銀穀以杜虧挪如

有均田拖欠照依錢糧嚴行追比除查明實係逃亡租籽無著者卽行只招妥戶承種外餘俱不得無故提田另佃以致原佃失業若各佃自願退田者應聽其便如此妥爲經理則民苗羣沾樂利矣

一據刑部侍郎臣張映漢奏稱苗租項下每歲餘租四千石原爲積貯接濟苗民之用自嘉慶十一年起至二十五年止已閱十五年計應存穀六萬餘石卽除荒年佃欠亦應存穀四萬餘石加以每年支銷餘贖之穀爲數自應不少風聞現在儲備穀祇存一千五百石何至如此之少應行澈查再苗民例銷淮鹽水陸二千餘里淮南商成本攸關萬難運賣偶有水販運往色黑味苦苗人向食



川鹽應請准其零星入苗疆挑賣庶免苗人淡食之虞等語臣等查苗疆自嘉慶十五年設立屯防經前撫臣阿林保於經久章程案內奏請於通省養廉銀內攤捐銀六萬兩以銀四萬兩買穀四萬石分貯廳縣各倉以銀二萬兩並買穀餘贖銀五百八十兩一體存貯辰沅道庫以爲儲備如遇屯田歉收之年卽將此項銀穀爲借給屯練口食之用嗣因頻年動墊嘉慶十九年經前撫臣廣厚核實清查奏准分別追賠照數歸補又苗倉積貯一款係支發苗糧項下豐年盈餘存貯苗倉以爲積貯計自嘉慶十年起至十九年止除照案支發外應存穀二萬一千七百五十三石五斗十九年清查案內奏豁苗備弁借領穀六千五百五十石並前任辰

沅道傅鼎以倉廩等項抵穀一萬三百九十七石七斗實存苗倉積貯穀四千八百五石八斗零又嘉慶十九年十月起至道光元年九月止除嘉慶二十四五兩年旱歉缺收並無餘存外共存穀一萬三千一百石零八斗三升一合八勺總共應存苗倉積貯穀一萬七千九百六石六斗三升三合一勺以銀一兩作穀一石統共屯防儲備苗倉積貯兩項共應存穀七萬八千四百八十六石三升三合七勺均爲籌備屯防緩急之需查自嘉慶十九年清查以後節年又因旱歉屯防各佃欠交租穀及外銷不敷經費墊用僅存儲備穀一千三百九十五石五斗三升二合七勺苗倉積貯穀一千四百九十九石六斗八升四合七勺又前護辰沅道袁廷



極交卸時復交出二十五年至道光元年應存積貯穀三千五百五十石又袁廷極已徵未報二十四年佃租一萬一千一百一十九石零總共存穀一萬七千五百六十四石二斗七升四勺臣等飭據該道趙文在及委員等查明儲備積貯兩項實因收租缺額支放無資逐年借動支用歷年正署各道均無侵欺情弊臣等現在另行籌議恭摺奏請借款歸補以實邊儲再查永綏永順等廳縣額設苗鹽引三千二百七十一道乾州鳳凰二廳向無專引均由水販轉運淮鹽銷售該處程途寫遠成本較重勢不能隨時運至不得不藉資川鹽然聽其竟行買食又於淮綱大局有碍應請查照湖北歸州巴東等州縣如遇淮鹽不能接濟聽民零買川鹽

不得過十觔之例准民苗零星買食川鹽似此權宜調劑則淮綱之藩籬不撤而民苗可無淡食之虞如有大夥私販仍責成該地方官嚴行緝拏以免浸灌

一據刑部侍郎臣張映漢奏稱屯防委員大半捐納佐雜其中自愛者固有而窮急不肖者勢所不免非甘爲該道用人通同舞弊卽任意赴屯滋擾而仍予以經費其地方之該廳縣皆置身局外殊爲有損無益應行裁撤專責該廳縣督率屯官經理等語臣等查創立屯防之先辦理一切事宜原資委員之力自屯防既定設官分職各有專司委員原可裁撤因該員等皆係原辦熟手未便輕去是以仍畱贊勳嗣原辦之員均已陞遷內地新進佐雜又復



相沿派委以致廳縣各官轉置身局外茲飭據該道趙文在查明委員人等並無通同舞弊以及任意滋擾情事臣等已於奉

旨後

先行奏明撤汰所有該委員等歲支經費概行刪除此後收支一切除經費鹽糧等項仍由道總司出納其催徵租穀以及坐支各款即責成廳縣專司各分地土令屯弁承催屯備督催如催徵不力仍照往例分別分數屯備弁等各予記過如能年清年款經管備弁各予記功以示勸懲至應行解道之經費定限五月內完解如逾限未清照例參處其該廳縣坐支各款由屯長查明應領之數按月書票送屯備核明蓋印再送廳縣蓋印掛發每年將收支各數由廳屯造具清冊齎道彙報司倉屯長等仍將所發印票送

道查對似此層層稽核妥為經理既免侵挪亦杜剋扣之弊

一據刑部侍郎臣張映漢奏稱苗人訟案應到官質審者令苗弁傳喚以免差役徑傳藉端詐索近聞有假差擅入苗寨勾引窮苗妄指殷實苗人平空架訟應嚴行查禁等語臣等查原定章程苗人控訴詞訟必須集案質訊者即令苗弁傳送不許擅差兵役入寨妄拏以苗民言語不通易受欺凌兵役恣意擾累恐致滋生事端洵為杜漸防微之道日久禁弛弊端漸起臣等於奉

旨後

嚴行示禁並札飭該道趙文在確加訪查嚴懲究辦茲據該道趙文在及委員等查明各廳如有各苗人控訴事件向係諭令苗弁送案備審從不差役徑往拘喚亦無假差擅入苗寨妄拏無辜之



事臣等現經飭道廳縣衙門如有公事應需勾攝苗人卽令該處苗弁往傳送審嚴查兵役不得擅入苗寨倘有徇隱卽由道查明據實參辦其苗弁兵等如有以勾攝爲由擾累苗眾亦卽從嚴責懲以輯邊宇

一據刑部侍郎臣張映漢奏稱苗額舉人自設額以來每科取中一名總未見會試大抵由於地方官書吏於其請咨時橫行索費以致阻抑應飭廳縣凡苗額舉人除不願會試者仍聽其便外其有詳請會試者立予呈請給咨嚴禁書吏索取規費並照民籍舉人會試者分別給予公車銀兩或准令馳驛等語臣等查苗舉人自嘉慶十二年設額另編田字號苗生鄉試數在十五名以上准

其取中一名嗣後各科苗生均獲中式所以勵其功名卽以銷其頑梗惟自編設苗額以後苗生中式者計有六名從未請咨赴京會試飭據該道趙文在及委員等傳集各苗舉人詢問皆因自揣文理平常難與各省貢士校藝是以未經請咨會試等語委無書吏需索抑措之事現經該道發給膏火令其書院肄業苗舉人俱願就學俟文理稍優再請咨赴試臣等伏思苗民仰蒙

聖化

涵濡日久冀其文風日上頑性自銷自應預行籌計以作興其向上之志臣等現議嗣後該苗舉人等如有情願赴京會試者除照本省民籍舉人之例給與公車銀兩外再由道酌給盤費俾資津貼並嚴禁各衙門書吏於其請咨時不許稍有需索其有不願赴



試者仍聽其便奉

硃批覽欽此道光元年十一月內閣奉

上諭陳若霖等奏籌議查辦苗疆事宜一摺前據張映漢奏籌議苗疆事宜各條當降旨交陳若霖左輔會同詳擬茲據該督等查明妥議覆奏鳳凰等五廳縣額設屯丁原定章程應於均田本戶及出力丁勇內挑補其委員屯官等有以隨帶私人頂充者著悉令退田開缺並永杜侵佔以安屯業至屯防佃租該處地方礮瘠原額過重現將各項浮費刪裁則租額自可輕減著照所議於民苗佃種田土內按則減去租穀一萬八千石並將鳳永二廳最瘠之區再減去租穀二千七百七十石以紓佃力嗣後責成該道等樽節支銷年清年款毋

任虛糜其苗疆積貯銀穀歷年動缺現已加恩准其借款歸補務各認真經理以裕儲備屯防委員概行裁撤所有一切經費出納卽著該道等按限征解逐層稽核嚴禁侵漁至差役擅入苗寨本有例禁嗣後務遵照舊章凡有勾攝公事由苗弁傳喚其兵役藉詞擾累者查出按律重懲毋稍寬貸苗舉人有願赴京會試者卽照本省舉人之例給與公車銀兩仍嚴禁書吏需索俾令踴躍觀光再苗疆遠處邊隅如遇淮鹽不能接濟著准其照湖北歸州等州縣之例聽民買食川鹽不得過十觔之數如有大夥私販仍責成該地方官嚴拏以杜侵灌該督等督飭該道董率廳縣實心經理加意撫綏用副朕乂安邊圉至意欽此



Blank page with vertical lines for text.

部覆前案甄別苗疆屯務委員 道光二年正月准咨

吏部咨開考功司案呈准湖南巡撫左 咨稱據布政使會同署  
按察使齋呈詳案查前經刑部侍郎張 條奏苗疆事宜欽奉

諭旨

查辦除辦屯委員業已撤退外茲查有署乾州廳經歷永順縣典  
史王允吉原辦乾州廳屯務素日執拘任性辦事未能公正不協  
輿情且年逾六旬未便任其戀棧應請卽行勒休又現署永綏廳  
經歷候補縣丞陳樹梓經營永綏保靖屯務十餘年持躬不知謹  
飭民苗嘖有煩言未便姑容應請革職以肅吏治相應咨部查照  
核議示覆相應咨達等因前來查署乾州廳經歷永順縣典史王  
允吉既據該撫以該員原辦乾州廳屯務素日執拘任性辦事未



湖南首陽中正考 卷八  
能公正不協輿情且年逾六旬未便任其戀棧咨請勒休並署永  
綏廳經歷試用縣丞陳樹梓歷管永綏保靖屯務十餘年持躬不  
知謹飭民苗嘖有煩言咨請革職應將署乾州廳經歷事永順縣  
典史王允吉照咨令其休致署永綏廳經歷事試用縣丞陳樹梓  
照咨革職開缺知照湖南巡撫可也

詳定苗疆應禁應增事宜四條清摺

道光元年

辰沅 趙文在

一苗疆田土應永禁查丈以廣

皇仁也查苗疆田土原額賦稅秋糧五百餘兩自設屯防將田土清丈  
除分授屯丁屯長等項三萬七千餘畝外其應繳屯租之經費鹽  
糧等田土原額歲繳租九萬九百餘石雖係招佃徵租而合分授  
之田較前賦稅已二百餘倍則苗疆田土存畱於民間者已屬無  
幾是以嘉慶十三年傅臬司在道任時曾經出示永遠禁丈田土  
在案又十九年清查原詳內載鳳凰下五崗都吾務頭二約田畝  
全數歸公其山土未經丈收永綏六里民村田土俱皆歸公其山



土除丈收入官外尚有山頭地角及官土之旁畸零荒隙現經民人私自墾挖者若再行清丈歸官則民間毫無立足之所懇將鳳永二廳歸公地方田土於此次清查之後凡未經查丈入冊者概准歸民墾種永不徵租等因亦在案茲據永綏委員稟出清查以後未經詳報之丈收土七百七十餘畝丈收田一百六十餘畝內稱或因民苗互爭稟請查丈或係原丈未經成熟之田及未經成林之茶樹土現已成熟成林等因

職道等查該處收丈情節雖屬有因究與傳臬司之示禁及十九年之詳案不符更非示信於民之道且現奉 憲臺札飭勸諭種植以廣生計似此查丈無休所有山頭地角民苗安敢再行開墾以資樹藝則田野不闢民財何

生實爲邊疆之弊政除將所丈之土體查情形或發還原墾之戶或畱爲民苗墳塋屋址其田以爲各廟香火之資並將所徵租冊分別註明銷除以符前詳永不徵租之案外嗣後民苗之畸零開墾應請奏禁查丈申課俾督飭民苗以盡地利而裕生計

一練勇屯丁應實力訓練以期有備無患也

職道等查苗疆沿邊

設屯丁七千名鎮守設練勇一千名邊防之嚴密軍威之整肅素爲苗人所畏懼現在苗情雖屬萬分馴順而武備仍不可一日懈弛尤當整飭戎行以免日久生玩第戎政之整飭務收知方之實效考古論練兵首在膽氣而膽氣之奮發必基於足履之趨捷足捷而後氣雄氣雄而後膽壯膽壯而後所習之武藝始能施展於



湖南苗匪正考 卷六  
疆場苟足力輒弱以之登高陟險則喘噓衰竭雖有勝人之技斷  
難望其可用蓋苗疆多係層巒疊嶂溝道如梳非平衍之地用兵  
可比是以前傅臬司蕩平苗氛先令各丁勇習走先登兼學跳躍  
身法凡遇臨敵接戰往往得利大概皆先得練走之力也今職道  
視事後校閱各勇技藝雖尙合式然老隊之人已稀類皆崇尚威  
儀務悅人目比昔日之所謂練者迥別矣至屯丁之技藝亦多生  
疎幾鄰廢弛職道除嚴令該管屯備弁勤加訓練外嗣後應請仍  
由舊章令各勇足縛鉛瓦按期跑山以練其足習射者以挽強命  
中爲要習烏鎗者於打平靶後兼操攻上擊下之法習刀矛者務  
講求擊刺之法各盡其能以成精銳而後或演陣式使知步伐之

止齊號令之變化斯爲勁旅至屯丁技藝亦當於農隙之時照例  
依式演習毋得節省操演之費致廢邊防更請永爲定式庶聲威  
日壯而苗人更爲懾服矣

一苗人詞訟應請照依舊章准理以息訟源也查苗性好訟如彼  
此稍有不合雖數十年之細事皆錄以具控以圖拖累陷害前傅  
臬司在道任時洞悉其情以苗人詞訟凡嘉慶十年以前之事概  
不准受理亦不准具控出示曉諭在案緣十年之後苗人俱已輸  
誠向化從前之罪犯已仰蒙

皇恩赦宥凡遇田土錢債詞訟亦應以向化日起方爲理究庶無轉  
而免擾累此傅臬司籌議最周之章程自當永遵辦理第此條並



未詳請列入條例凡新任之員罔知舊章而刁狡之苗仍將嘉慶十年以前之事具控若准予審理則紛紛以此控訴甚至民人亦以苗人前事具告必致輾轉拖累一經受理大為苗害職道視事後廉知此弊除申明舊章禁止並密行查訪外應請將苗人詞訟不准受理嘉慶十年以前之事列入省例永行禁止不得違例審理如苗人以此具控除立案不行外仍照不應重律究治俾共知儆戒庶羣苗咸知安分訟獄自息矣

一僉派苗夫應請示禁以杜滋擾也查苗民充應夫役奉前

撫憲姜督憲畢軍門鄂

會同籌定善後章程案內凡文武大小官員因公往來巡

查經由苗地需用人夫該苗弁即傳所管苗人與漢民一體當差

聽候給發價值等因在案嘉慶十四年傅臬司恐將來兵役人等假充官差或官員往來非因公事俱一律應付未免滋擾請禁止擅用苗夫等因亦在案職道等查前憲所定章程其時苗人甫經投誠所有官員往來均由沿邊民地行走並無經由苗地之人亦無苗人受僱當差之事自十年勦辦永綏匪寨以後苗眾懾服真心向化文武大小官員公私往來始經苗地因援例索夫而苗人之往來遞送遂多絡驛不絕傅臬司查知此例深為苗病是以詳定章程以稍紓苗力職道等細思苗夫一項向係挨寨遞送凡遇一官經過傳諭需夫則數十里之內各寨苗夫均按應行更替地段齊集道傍裹糧靜候如用夫數十名計沿途靜候遞換之夫即



需數百人若官員傳諭已發或因事遲延數日而沿途苗夫亦曠  
工靜候數日所定價值每里給制錢一文本不敷用而苗夫得領  
者亦少更有沿途夫來稍遲或來不敷用則無論何寨何項苗人  
概拏頂充往往鬧事似此一官經過使數百人枵腹奔走更使誤  
於耕作擾苗之事莫此爲甚前傳臬司所定章程各官因公僱用  
苗夫應令報明該管鎮將道廳縣給發印照方准僱用如果遵行  
辦理苗人之應付尚有息肩之時第日久弊生動用苗夫之印照  
又將以爲酬應人情之私券是有免役之名仍無輕役之實職道  
視事後廉知此弊當飭各廳縣並出示申明舊例嚴禁在案惟是  
苗人既已革心革面奉公守法撫馭一切自應使其安耕樂業永

享

昇平之福始爲久遠之謀應請嗣後僱用苗夫除巡閱大差照例僱  
用按名按日照例給價外其餘文武官員往來苗地均應自僱民  
夫概不准沿途擅行索夫以杜擾累並請將頒發苗弁劄付內所  
載苗夫一條改正以免久後更張庶苗人各安耕鑿矣



奏為遵  
旨查明苗疆事宜恭摺覆  
奏仰祈  
聖鑒事竊臣等承准軍機大臣字寄道光六年十一月二十五日欽奉  
上諭御史賀熙齡奏湖南苗疆自嘉慶初年戡定後辦理得宜近日漸  
就廢弛臚陳九款請飭該省督撫督令巡道實力整頓等語湖南苗  
疆戡定以來惟傅爾前在辰永沅靖道任內時辦理屯務訓練儲備  
教養一切事宜俱稱妥善苗情極為安帖近日苗民向化已久該道

覆奏會查御史賀熙齡陳奏苗疆事宜九款實力整頓摺道  
光

六年  
湖廣總督嵩孚  
湖南巡撫康紹鏞

奏為遵

旨查明苗疆事宜恭摺覆

奏仰祈

聖鑒事竊臣等承准軍機大臣字寄道光六年十一月二十五日欽奉

上諭御史賀熙齡奏湖南苗疆自嘉慶初年戡定後辦理得宜近日漸

就廢弛臚陳九款請飭該省督撫督令巡道實力整頓等語湖南苗

疆戡定以來惟傅爾前在辰永沅靖道任內時辦理屯務訓練儲備

教養一切事宜俱稱妥善苗情極為安帖近日苗民向化已久該道



員稍不稱職卽不免有因循廢弛之弊若如該御史所奏沿邊礮卡聽其頽壞給丁田畝書吏受賄舞弊修理屯田工本款目雖存興修不實道標練勇雜作匠役挑補丁弁書吏勒索賄求兵役人等擅入苗寨滋擾書院義館幾同虛設及苗人違禁祭鬼或互相訐控勒贖各款實於邊防大有關係著該督撫等嚴飭新任辰永沅靖道翟聲煥將撫綏控制一切事宜務照舊定章程實力整頓無任日久廢弛漸滋弊端以期保衛民生永安邊徼該御史摺著鈔寄閱看將此諭令知之欽此仰見我

皇上惠愛民苗綏靖邊疆之至意臣等跪讀之下欽服難名當經飛飭新任辰沅道翟聲煥星馳赴任令將御史賀熙齡臚陳各條逐一

確查並遵

旨將查辦緣由先行覆奏欽奉

硃批俟奏到時再降諭旨欽此欽遵在案茲據該道查明分條籌議由藩司裕泰覆核議詳請奏前來臣等伏查苗疆自嘉慶二年戡定後前任辰沅道傅鼐一切籌畫控馭洵屬事事得宜迄今三十餘年苗情靜謐所有原定一切章程全在實力奉行隨時整頓庶幾經久不弊臣等到任以來勤加訪察屢飭該處道廳縣毋以治安日久玩忽漸生茲據該道逐款詳查尙無廢弛情事惟是邊防固宜鎮靜經理尤在得人該道翟聲煥久任苗疆熟悉情形自上年抵任以來於屯防事務均能循守舊章實心辦理已覺日有起色



臣等仍諄飭該道此後尤當益加奮勉實力整頓邊牆礮卡隨時修葺屯丁練勇認真訓練屯防經費慎司出納並督率廳縣各於所轄民苗妥協撫綏盡心教養仍飭嚴禁書吏胥差藉端勒索擅入苗寨滋擾務期化洽邊隅永臻靜謐以期仰副我

皇上綏輯苗疆之至意所有會查妥議緣由並將議覆現在整頓苗疆事宜各款另繕清單敬呈

御覽

一據御史賀熙齡奏稱苗疆沿邊一帶修建牆堡礮卡哨礮各臺等有經費二千九百餘兩聞近來報銷不實坍塌者多宜亟加修葺等語臣等查苗疆鳳凰乾州永綏古丈坪保靖五廳縣沿邊及

裏圍後路一帶於嘉慶二年以後經前道傅爾修建汛堡屯卡礮樓哨臺礮臺關門關廂共一千一百七十二座又修建邊牆一百一十里分撥兵丁常川駐守因建立之地多在高山峻嶺風雨飄零易於坍塌於屯防項下籌有歲修銀二千九百兩查自建設以來每年時有坍塌處所每修一處需銀數兩或數十兩至百餘兩不等各前道因限於經費將緊要應修之處隨時修理每年約修六七十座需用銀二千八九百及三千餘兩不等實用實銷並無浮冒惟原建礮卡一千一百餘座每年僅修數十座不及十分之一委係限於經費以致不能每年按座修理其裏圍後路各礮卡先因苗氛未靖建以防護近城以通糧運迨添建沿邊礮卡以後



裏圍後路無關扼要久未修理以致日久頽壞臣康紹鏞到任後於上年春閒會同前督臣李 札飭前護道逐加查勘將沿邊及裏圍後路逐加修整該道翟聲煥到任後親赴查驗均各派有兵丁駐守臣等仍嚴飭該道隨時查察一有坍塌損壞立即修補據實報銷不得借稱經費不敷任聽損壞並查察兵丁不許擅離常川駐守以固邊隅

一據御史賀熙齡奏稱苗疆設立屯丁皆以附近礮卡之田撥令耕種聞近來屯防書吏因田有肥瘠受賄任意撥給往往有所守在此而所耕之田在數十里之外者致礮卡空虛無人看守宜於撥給丁田之時務與礮卡切近如書吏舞弊卽行嚴懲以收屯防

實效等語臣等查沿邊五廳縣共設屯丁七千名內散丁每名給田六畝五分百總每名給田七畝五分共給田三萬二千六百九十畝俱在均出田畝內分別撥定內鳳凰乾州永綏三廳當日均出田畝居多屯丁六千六百名所授之田均於駐守處發給俱係就近耕守惟古丈坪保靖二廳縣均出田畝較少且零星散在各處不能一律在於附近礮卡撥給是以該二廳縣屯丁四百名往往有所守在此而所授之田在彼者該屯丁或有召佃收租或自令子弟往耕相安已久各屯田均已撥定實無可以撥換之田自應仍循其舊至屯田原有肥瘠不同前經傳勳攢造田形畫片畝分細冊將給丁田畝水旱牽搭註冊存檔至今憑冊稽查不能更



移各屯丁事故出缺向歸廳縣驗補惟鳳凰廳百總總旗缺出由廳送道驗補卽以田撥給書吏無從撥換從前各丁內閒有將撥給田畝典售者經臣嵩孚前任湖南巡撫時訪聞飭道逐細清查追田歸丁自耕分別懲治並嚴禁勿許再行當賣茲查屯丁田畝父子相承守爲世業此外遇有逃亡故絕缺出原照舊章查明應補之人分別驗補均以原田撥給卽於檔冊註明書吏概不能弊換各屯丁亦不能私行當賣臣等仍嚴飭該道督飭各廳縣嗣後驗補屯丁務須恪守舊章如查有書吏受賄舞弊撥換及屯丁當賣田畝卽盡法嚴懲以杜弊端而收實效

一據御史賀熙齡奏稱各廳縣屯防田土附近山溪每多山水衝

壓原籌有修理田土工本穀三千餘石近聞田土衝壓俱令佃戶自行修理無力興修聽其荒廢並額租逾限以牛隻作抵致誤春耕故令換新佃責成頂繳租糧種種滋累等語臣等查鳳凰乾州永綏古丈坪保靖瀘溪麻陽七廳縣共均出屯丁田土十三萬一千零六十四畝除分授屯長屯丁及老幼丁領耕外餘俱照佃收租以供經費苗疆跬步皆山溪水湍激均屯田畝遍布於山坡溪岸之間每當山水漲發田被衝壓事所時有屯防項下籌有修理田畝穀三千零三十九石遇有衝壓隨時勘明修復核實報銷今檢查近年佃報水衝沙壓之案隨時飭委廳縣屯弁動項開修並照例免減租穀內有衝壓無多佃力自能修整經委弁議請毋庸



湖南直隸正志卷八  
動項者亦有山水漫淹旋卽消退經委弁議請無庸修理者均經  
核實報銷無從侵蝕亦無佃戶無力興修聽其荒廢至牽牛抵租  
查前道姚興潔任內據鳳凰廳屬各苗備弁請借積貯穀一千石  
變價買牛二百隻分給苗佃領耕每牛一隻作穀五百分年繳還  
遇有欠租該管苗備弁將牛牽回抵繳租穀無力還穀者稟請換  
佃將牛給耕此從前苗備中常有之事蓋由佃欠卽係牛本並非  
因田畝荒廢該欠租穀所致自道光元年清查減租之後佃力已  
紓應繳額租年清年款歷無牽牛抵租情事又新佃頂繳租糧一  
事查民苗佃戶內間有欠租不能完繳自求親族接佃稟知各前  
道舊佃情願退耕新佃願繳欠租所欠不過數石委係出自情願

並無逼勒<sub>臣</sub>等查屯防經費出自田租必須經理妥善庶免滋弊  
應飭該道凡遇衝壓之田遵照舊章隨時動項開修實用實銷勿  
使侵蝕並督飭各屯備弁上緊收租毋任拖欠頂繳並嚴禁牽牛  
抵欠務期額租繳納不致短絀

一據御史賀熙齡奏稱苗疆練勇最稱精銳現在多以廚役匠作  
雜項充數坐使有用之勁旅徒屬虛名等語<sub>臣</sub>等查鳳凰廳原設  
練勇一千名畱備攻戰按照營制分馬步戰守鎗礮弓箭藤牌各  
隊專派屯守備千把外委額外九員名管帶每年自七月初一日  
起至次年四月底止按三六九日勤加訓練此內原設百總十名  
總旗二十名小旗一百名均係技藝嫻熟嗣後於散丁內挑選一



百七十名共三百名加給鹽菜令其教習各丁遵守前道傅爾成規甚屬精銳素爲苗人所畏服道光元年清查案內奏准於練勇內撥出一百七十二名作爲各屯備弁書識跟丁實存場練勇八百二十八名若以雜項人等充數多一冒濫冗丁卽少一操防壯勇於邊防大有關係該道翟聲煥到任後確查原設練勇實係足額並無廚役匠作雜項人等濫充間有匠作數名係修製弓矢縫紉衣甲之人其本身技藝各皆嫻熟每逢三六九日俱在場聽候操演其跳高拔坡等技照舊訓練除大操常操之外亦有時赴道署校閱臣等查練勇之設原以備攻戰之用雖查無廚役雜項人等充數惟匠作業兼手藝實碍操防應飭該道查明革除另募壯

丁補額務須循照舊章嚴行賞罰如有年力衰弱技藝未嫻立卽斥革至撥出字識跟丁係由練勇改撥本身技藝未便令其懈弛並令一律操演務使習成精銳以期有備無患

一據御史賀熙齡奏稱屯丁內之百總總旗小旗及總散屯長遇有缺出向由各廳縣詳道頂補並不送道署驗看近聞無論遠近皆須親赴道署未驗之先守候需時旣驗之後書吏勒索規費然後給與委牌執照又屯丁缺出向以該丁之子弟親屬頂補近則書吏舞弊往往使應補者失業不應補者賄求又苗備弁例由辰沅道秉公拔補近聞亦有書吏受賄情求之弊等語臣等查鳳凰廳等五廳縣原設屯丁七千名內挑出小旗七百名總旗一百四



湖南苗防屯政考 卷八  
十名百總七十名以資管束遇有百總總旗小旗缺出惟鳳凰廳與道同城由廳詳送赴道驗補給發委牌餘俱由各廳縣驗補又各廳縣共設總屯長四十名散屯長一百六十名均有管倉之責遇有缺出向係由道驗補又各廳縣共設苗守備千把外委四百八十六名遇有千把外委缺出由各苗備擇其明白曉事之苗弁苗目送廳縣驗明詳道轉詳拔補內鳳凰廳各苗備弁並各廳縣苗備千把二項送道查驗餘俱由廳縣詳補並不送道是皆循照舊章並無更改至屯丁補缺係驗均田之本戶及出力之丁勇挑補嘉慶十九年永綏廳攙越補丁之事於道光元年清查案內奏明撤退將田驗給應補之丁以後均係遵照舊章凡遇屯丁缺出

卽以該丁之子孫弟姪親屬頂補閒有民人求補丁田並屯丁呈請加補均查對存檔冊籍果係有業歸公並從前著有陣亡勞績者總冊記名作為逃亡故絕丁缺卽以此項餘丁挨補其閒頭緒較繁書吏受賄情求上下其手洵非事所必無查嘉慶二十年暨道光二三年閒有捏告舞弊之案均經該道審明分別懲處臣等會飭該道督率各廳縣慎守舊章凡驗補屯丁務須秉公拔補一切委牌執照當堂給發不許假手書吏如查有需索勒措之事立卽盡法嚴究以期剔除積弊屯政肅清

一據御史賀熙齡奏稱近聞漢民與苗人往來不無盤剝之弊遇有干涉苗人事件地方官輒差役往提任意需索甚至擅行鞭責



湖南苗防中政考 卷六  
詈辱苗弁等語<sub>臣</sub>等查奏定章程苗人詞訟案件卽令苗弁傳送不許兵役入寨道光元年清查案內復經奏明嚴行飭禁至漢民不許擅入苗地私爲婚姻久奉飭禁各處集場交易令各屯弁親往彈壓不准市僧侵欺原所以區別民苗使之兩無嫌隙洵爲杜漸防微之道今查自平苗以來各廳縣遇有苗人詞訟案件概令苗弁傳送從前有差役擅入苗寨均經各廳縣盡法嚴懲<sub>臣</sub>等飭諭該道督率廳縣務遵禁令倘有不肖兵役私入苗寨藉端索擾立即嚴拏究辦出示申明嚴禁漢民私入苗寨私爲婚姻以及盤剝侵佔責成該苗備苗弁稟報拏究並令按季出具有無漢民擅入苗寨切結由廳縣加結齋道備查各處集場交易仍令屯汛員

弁彈壓毋許市僧侵欺並移鎮協轉飭各營汛一體飭禁以期邊隅永臻安輯

一據御史賀熙齡奏稱苗人向有椎牛祭鬼之習嘉慶初年業經禁止近聞此風復起宜責成苗弁查禁等語<sub>臣</sub>等查苗人疾病災眚向延巫師私宰耕牛聚眾禳解名爲作鬼自嘉慶十二年奏明禁止之後歷來各廳縣苗人咸遵禁令誠恐日久玩生此風復起飭令該道嚴切申禁並督飭各廳縣及苗備苗弁各就所管之寨實力稽查如有苗人椎牛祭鬼立即督同寨長將本犯及巫師並附和人等送該管廳縣究治倘苗備苗弁及寨長扶同狗隱或親身自犯一經發覺立拏詳革治罪仍於每季由廳縣出具切結送



道備查如該廳縣失察徇縱分別詳參以肅禁令而靖苗疆

一據御史賀熙齡奏稱鳳凰永綏二廳與黔省接壤苗地處處可通苗人或爲舊時姻婭或因集場交易勢不能禁其不相往來其閒偶有閒隙因而互相訐控或因錢債細故強牽牛隻或拏人勒贖抗不退還告官關提亦不到案應隨時會同黔省妥爲查辦等語臣等查苗人向化已久咸知畏法並無拏人勒贖之事惟鳳凰廳西南與貴州銅仁府交界西北與貴州松桃廳交界永綏廳之西北亦與松桃接壤谿連尙錯處處可通苗人舊有姻婭或集場交易勢不能禁其不相往來卽不免有互相訐控之事若關提不到案者應隨時查辦以息爭端凡遇貴州關提之案飭令苗備苗

弁迅速傳送移解上年黔邊收繳鎗刀亦各親往彈壓會同辦理遇有關提黔省之案亦經隨時移解凡兩省苗人交涉之事應歸犯事地方審理亦有應須會商之處飭令該道督率該廳等遇有彼此關提之案務於文到五日內傳齊移解或因案情較重人數較多難於移解者卽移會各集犯證訂期於交界處所會審斷結如有偏徇致苗情不服別滋事端該道立卽稟揭另委賢員會審務使泯其畛域之見則苗情服而仇隙自消邊境日臻安謐現移咨貴州撫臣轉飭銅仁府松桃廳一體和衷以期共濟

一據御史賀熙齡奏稱苗疆各廳縣設有書院苗館原令一體讀書咸知禮義近聞各處書院有以官親濫居師席者有坐支束修



終年不到館者其屯苗義學教讀之人向由辰沅道考取近則或由屯長保送坐分束修而義館亦爲虛設是宜選擇端人實心教讀以收化民成俗之效等語<sub>臣</sub>等查鳳凰乾州永綏三廳瀘溪麻陽保靖三縣各設立書院一所分設屯義學五十館苗義學五十館束修膏火皆於官贖田租項下取給令各廳縣生童並屯苗子弟一體讀書每逢朔望宣講

聖諭

廣訓以資化育各書院掌教向由辰沅道延請品學兼優之人屯苗義館則歸各廳縣慎選帥儒考取報道均係各廳縣廩貢生員既取其學問之優長復便於口舌之相習如有課讀不力成效無聞者隨時更換歷經遵照辦理現查各廳縣並無官親濫居師席

及終年不到者其屯苗義館仍係各廳縣考取館師報道並無屯長分修等弊<sub>臣</sub>等查設立書院義學原使講習詩書以敦教化既據查明並無曠誤飭令該道諄致掌教傳諭館師務須循照成例實心訓迪各書院每逢考課即將文卷齎道細心校閱繕榜曉示給以獎賞並責成各廳縣就近查察認真課讀以收實效此外尙有鳳凰乾州永綏保靖四廳縣於嘉慶十五年增設深巢苗義學二十館並令分飭一律照辦毋任墮廢本年十月初八日遞到回摺欽奉

硃批知道了欽此又清單欽奉

硃批總要行之以實持之以久仍當不時查察如有奉行不力者必嚴



加懲辦切勿過後仍成具文也勉之欽此

湖南苗防司正

卷八

四

湖南苗防司正 卷八 四

部覆屯防變通章程八條

道光十三年准咨

部咨內閣鈔出十三年五月初六日湖廣總督訥爾經額湖南巡撫吳榮光奏察核苗疆情形會擬屯防變通章程一摺奉

硃批

該部議奏欽此

臣

等查該督撫會奏內稱湖南苗疆袤延一千餘

里內環苗居二千餘寨設有汛堡礮卡八百餘座分撥營兵屯丁

駐守巡查舊制極為嚴密

臣

訥爾經額校閱辰沅道標備戰練勇

合操陣式鎗箭等藝均極純熟經過各廳縣俱有苗官帶領苗兵

迎於道左苗人男婦旁列觀瞻諭以各安耕鑿恪遵法度又有苗

義學師徒迎接詢以詩書閒有應對明晰者俱各酌予獎賞其苗

寨與民村相近之處詢知民苗亦甚浹洽惟是一切屯防事宜有



應加推廣及舊章本屬周備行之日久漸就因循亟應整頓者謹酌擬變通章程繕單具奏等語<sub>臣</sub>等伏查苗疆屯守事宜自嘉慶十年奏定經久章程後於嘉慶二十四二十九二十五等年及道光元年該督撫等復將添設備弁裁減租穀籌添未盡事宜歷經奏明各在案此次該督撫奏稱平日畱心體察巡閱目擊情形有應行增廣八條

敕交<sub>臣</sub>等覆議<sub>臣</sub>等謹悉心籌畫逐條分晰准駁恭呈

御覽

一據奏練勇請撥還原額以收實用查道光元年清查減租案內奏明裁減屯弁跟丁鹽菜銀兩以練勇一百七十二名撥作屯弁

字識跟丁是以有用之才置之無用之地請如數撥還道標仍足一千名原額以資防守至屯備弁應用跟丁字識自五六名至十名不等舊額本覺冗濫應酌減一半仍撥用屯丁所需鹽菜銀兩由道庫籌款給發等語查道標練勇原以捍衛民苗一千名之數本不為多應如所奏撥還原額於邊防實有裨益其跟丁字識舊定名數既覺冗濫自應酌減至鹽菜銀兩向因撥用練勇故仍照營兵給發今跟丁字識既係撥用屯丁則屯田所入足敷食用所請由道庫籌款給發之處應毋庸議

一據奏各處礮卡遇有坍塌損壞向係該管屯官估計工料呈報該道動支租穀變價銀兩發給承修工竣委他處屯官驗收該屯



官恃可互相包容不免草率偷減不能完固屯丁人等藉口偷安不肯在碯駐守嗣後應責成該管廳縣勘估承修由道驗收選派屯丁照舊輪守該道廳或親身稽查或派員點驗如有曠誤責革示懲其碯卡些小滲漏損壞應由屯丁自行粘補等語查均屯經久章程原奏內原有由屯弁報明廳縣親往勘估通詳興修之議是屯弁僅許報明損壞實在情形其勘估承修本歸廳縣並無屯官估計工料承修委驗明文何至有互相包容草率偷減之弊嗣後自應仍照舊章遇有損壞由屯官報明卽責成廳縣勘估承修由道驗收不得少有草率偷減以昭覈實倘該道並不督同廳縣認真修理率將修葺款項虛領報銷該督撫一有所聞卽應嚴查

叅奏其選派屯丁輪守該道廳或親身稽查或派員點驗如有曠誤自當立予責懲以勤守望至碯卡有些小滲漏損壞由屯丁自行粘補亦係經久章程原議自當亦如其舊

一據奏苗疆屯丁係於有功壯勇及均田戶內挑充除犯事斥革並故絕無人之缺應撤回另補外其辭退病故者均准予孫接充奉爲世業惟設屯至今三十餘年其中子承父業弟頂兄名不無幼丁充數勢難一律精壯因思幼丁之田必有壯丁代耕請逐一查明以代種者代當屯丁於執照內註明代丁姓名造冊存查俟本丁年至十六以上傳案驗明換給執照其年逾六十不能耕作操防並無子嗣又無人可繼者准其自舉代丁應役等語查各屯



海國百司正考 卷八  
丁不在撤回另補之例者均准予孫接充卽有幼丁亦必隨時僱人代替於耕作防守均可不致貽誤將來幼丁長大時卽可自行經理若竟以代替之人於執照內註明是代丁卽與本丁無異一切耕作防守之費勢必將田土所入悉爲己有其年幼之本丁難與爭抗名爲承業實歸他手且旣經註明則代丁卽有不妥之處亦難隨時更易至本丁成丁時傳案查冊換給執照紛更需索滋累轉多殊屬滯碍難行自應循照舊章一切耕作差役聽其隨時僱人替辦仍責成該管總旗小旗妥爲經理查核無許貽誤公事至年逾六十不能耕作操防者准其自行僱覓土著之人代充丁役總不得濫舉外來之人以重屯務而符定制

一據奏疲乏屯丁輒將田土典賣請責成廳縣督飭屯官屯長逐一清查押令典賣之戶將田土退還原丁並酌量情形斷令分限歸還原價其逃亡故絕或人雖現在不願充丁或老邁幼小不堪充丁者卽令承典承買之丁報明充丁給與執照奉爲世業但不准一丁兼有數戶田糧以符定額等語查均屯經久章程內載屯丁以屯田爲世業或有年老辭退病故出缺准以子孫承頂無人可補另召募充總不許私行典賣如有典賣照盜賣私買官田律治罪追價入官等語舊日章程本爲周妥如果該管官實力稽查該屯戶何敢私行典賣今旣相沿成習應如所奏責成廳縣督飭屯官屯長分別退田歸價切實妥辦至原丁逃亡故絕及不願充



海直隸州志卷八  
丁或老幼不堪充丁者卽令承買承典之戶給照充丁奉爲世業則是私買官田之人轉有取巧獲業之利更恐有外來客民曾經承買承典者從中攙雜報充適足以滋弊混應仍確守舊章毋庸更改嗣後有私自典賣者除撤回以應補之人另補外將原丁售主照例治罪至兼并之弊最爲屯務之蠹倘有一丁兼有數戶田糧者尤宜嚴加懲辦以杜弊端而符舊制

一據奏屯防事宜各廳縣除挑丁授田及審辦民苗命盜詞訟外其餘事件並無稽查之實以致屯弁苗官屯長所管租穀經手人等不免有多取勒折等弊請嗣後一切事宜循照舊章均由廳縣稽查核轉並將屯守備等官改隸各廳管轄屯弁改隸各縣管轄

行屬官禮俸滿由廳縣考核送道驗轉等語查均屯經久章程內稱各屯弁或操演練勇或經理屯防耕守事宜各歸廳縣管轄總隸辰沅道統屬又奏酌畱屯長案內稱一切屯務及屯倉租穀屯長協同屯弁妥爲辦理有因辭退另充由該廳縣詳道驗補又奏裁委員案內稱此後催徵租穀及坐支各款責成廳縣專司名等語是屯防中耕守事宜並催徵租穀皆由各廳縣督率所云有兼管之名無稽查之實者自係各廳縣不能實力奉行相沿成習致與立法之意相左至屯守備與廳縣平行一節查奏添屯備案內稱守備六員責令操演練勇屯丁並經管鎗械子藥軍裝其督耕催租等事一體責成該守備督率屯弁分理仍歸辰沅道統轄至



挑丁授田等事仍歸廳縣管理守備不得干預等語其不使守備歸廳管轄者自緣所管操演各事宜與營守備一律非別項屯衛守備可比故其陞階卽照苗疆營守備之例且苗疆文武並重藉可互相鈐制至千總以下原定章程卽係歸各廳縣管轄毋庸更議該廳縣但當切實稽查有不奉公守法及浮收苦累各弊卽行詳辦如漫無覺察或知而不舉卽照徇庇同官徇庇屬員之例叅辦則無事紛更而屯務日臻整肅矣

一據奏苗疆田土多靠山巖每有水衝沙壓之患若不認真勘修而仍照常徵租未免苦累貧佃且原額徵租九萬餘石道光元年奏減二萬餘石近年支銷已形支絀若動輒減租又於經費有礙

請令該管廳縣督同屯官屯長按照圖冊親詣確勘除衝壓過甚修費過於田價者另行籌辦外其尚可修理之田應撙節估計卽令佃戶領項趕修工竣核實覆驗等語查嘉慶十二年苗疆均屯章程內稱永綏六里近邊之地尙有無糧荒土現據屯苗各弁具報開墾成熟堪以播種雜糧者十萬餘畝俱佃給原墾之人約計每年可獲雜糧三千餘石存貯公倉隨時酌量變價遇有水衝沙壓應行修理之田責成廳縣率同屯弁勘報由道確核給以開修工本又道光元年減租案內據稱前嘉慶二十五年奏准借帑金十萬兩交商按一分生息每年息銀一萬二千兩以五千兩歸帑以七千兩撥給辰沅道津貼經費其修理水衝沙壓田土支銷多



海國圖志卷八  
寡原難預定卽於息銀內實用實銷不必預爲定數是修理田土  
從前業已屢籌款項而經費亦不致形支絀如果年年修理何至  
田土漸成瘠薄應如所請令該管廳縣督同屯官屯長親勘確估  
其易於修理者固宜飭佃領項趕修卽衝壓過甚者亦不得廢爲  
石田均宜一體籌辦在於雜糧變價及交商生息款內核實報銷  
不得聽其荒廢

一據奏支剩租穀二萬餘石向係載運出境變價以供經費致本  
境糧價增昂歉歲難於儲備請嗣後祇准照依時價就倉所零星  
發賣如當年不及全售留於次年青黃不接之時酌量減價平糶  
卽以節省運腳抵補減價惟經費支銷亦恐緩不濟急請於藩庫

現存通米經費銀兩內動撥一萬兩交辰沅道接濟經費等語查  
自減租以來苗民不虞缺食惟生齒日繁米穀有數且豐歉無常  
誠宜寬爲儲備應如所奏嗣後支剩租穀照依時價各就倉所發  
賣如當年不及全售留於次年青黃不接之時減價平糶卽以節  
省運腳抵補減價至請將藩庫現存通米銀兩動撥一萬兩交辰  
沅道接濟經費一節其應如何支銷及歸款之處未及詳晰聲敘  
且

國家經費有常未便輕議支撥所請應毋庸議

一據奏富苗自爲蓋藏於貧苗借貸籽種昂價借貸賤值取償加  
以重利積累數多復以田土准折情殊可恨請出示剴切勸諭息



海國百防中政考 卷八  
穀不准過二分之限嚴禁倍價取盈並令辰沅道於春閒酌借租  
穀照社穀之例加一取息等語查重利盤剝例有明條而苗民生  
計維艱此禁尤宜嚴切應如所奏剴切出示息穀不准過二分嚴  
禁倍價取盈仍令辰沅道以租穀減糶之餘於春閒酌量出借惟  
查經久章程案內屯丁於青黃不接之時准將倉穀借濟秋後免  
息追還苗屯事同一律且近來苗佃日形瘠苦應聽免息借濟無  
庸援照社穀加一之例卽令該道於春閒先期曉諭願借者自行  
報名具領不願借者聽其自便秋後按冊追還嚴飭經手倉書斗  
級出借時不得稍有尅扣還納時不得稍有浮收倘有前弊從嚴  
懲辦庶苗民得資接濟生計不致日蹙矣

以上八條謹就該督撫所奏悉心籌議分別准駁恭候

欽定

等伏思苗疆事宜從前奏定經久章程極爲妥協雖歷經陳奏  
稍有變通而大概情形不容再行更改惟治法尤賴治人總在該  
督撫慎簡賢能該道正已率屬督同廳縣備弁等認真辦理毋以  
久安而滋廢弛毋以小利而紊舊章庶幾苗民樂業有勇知方邊  
圉益臻鞏固所有<sub>臣</sub>等覆議章程伏乞

皇上訓示遵行奉

旨依議欽此



湖南苗匪正考 卷八 均屯四 三

覆奏會議苗疆善後章程七條摺 道光十六年

湖南巡撫裕泰 湖南總督訥爾經額 湖南鎮守使楊芳

奏為遵

旨會同妥議恭摺具奏仰祈

聖鑒事竊 臣等前准軍機大臣字寄奉

上諭有人奏酌擬苗疆善後章程一摺著訥爾經額裕泰楊芳會同詳  
悉妥議具奏原摺鈔給閱看等因欽此當經 臣裕泰以原奏所列各  
款均關邊防利弊必須將該處情形詳細查明方能核定妥議期  
歸妥善隨遴委岳州府王簡馳赴鎮筵逐款查明據實稟辦並將  
委查緣由先行附片奏蒙



聖鑒茲據該委員王簡查明由審司龔綬臬司楊慶琛核議詳請會奏前來臣等伏查苗疆邊備屯防均關緊要一切章程自應隨時整頓不容稍有廢弛今將原奏各條體察現在情形參酌從前例案其中有應暫緩籌辦者有應明定章程者有應遵守舊制者有應量爲變通者謹遵

諭旨逐一詳悉確核妥議按款臚列恭呈

御覽

一原奏該處道標練勇聚集一處爭勝角能最稱精悍加以營兵共城恃眾逞強遂有不受控制之勢該道所轄三廳俱係苗疆聲勢聯絡莫若於附近乾州永綏二廳分勻安置以散其勢仍歸該

道每年前赴巡閱平時輪調應操亦足壯聲威而便徵調等語臣等查鎮筵練勇原爲鳳凰廳環逼苗寨而設其苗情獷悍又以該廳黑苗爲最甚嘉慶二年大兵凱撤後仍不時四出焚掠經該前升道傅爾團練鵬勦始得全行勘定是以練勇概駐該廳以資鎮懾今苗疆治安已經三十餘年苗情極爲帖服該練勇等操練之外別無所事兼與營兵聚處一城角勝爭能素稱精悍控制稍有未善誠恐難保日久不恃眾逞強別滋事端以之分撥三廳安置使之勢散易制實屬法良意美惟查該練勇等多係土著各有父母妻孥類皆貧苦別無生計必須攜家同往就養而該練勇等現在月領餉銀應扣借款尙多得項僅敷口食所需盤費一時實力



難設措且當甫經滋事懲辦之後遽行分地移駐更恐啟其疑懼之心再四思維應請暫循其舊俟一二年後扣款漸少丁力稍紓再行察看情形籌議辦理仍責成該道督率備弁嚴加約束妥爲撫馭務使恪遵紀律有勇知方則桀驁自馴無難控制矣

一原奏該處鎮標兵丁道標練勇額缺宜於本處土著民屯揀選精壯充補外來遊民無室家妻子之可顧輕命逞兇最易滋事以後不准充補等語臣等查鎮算鎮道二標兵勇向由營屯千把總於土著親識餘丁內挑選呈送鎮道考驗充補冊內均經登註籍貫以備查核惟道光十二年出師洋泉廣東剿辦猺匪案內因軍營陣傷病故遺缺係以隨征餘丁挑補不能盡係本籍現據委員

王簡查明現在該鎮道兩標兵勇內外來充補無室家者兵丁僅止十七名練勇僅止六名因曾在軍營著有微勞未便遽行斥革此後自應明定章程一切外來客民無論有無室家概不准其充當兵勇倘員弁混行保送鎮道率准充補查出分別參處所有軍營挑充外來各兵勇仍責成該鎮道督飭備弁嚴行稽查管束如有滋事隨時革究以肅紀律

一原奏兵勇生計全恃錢糧不肖官員任意剋扣餉銀則有輕秤給發賤折錢價之弊口糧則有虧短斛面發價採買之弊又或兵勇預行支借則有預立領狀折扣利息之弊此後務宜從嚴釐剔等語臣等飭據委員王簡查覆該鎮標兵丁餉銀向由中軍遊擊



及各營都司守備按月當堂發給隊目用庫平彈兌包封呈請該鎮驗明會同地方文員按名監放應關本色兵米係由鳳凰廳按月用制斛支給道標練勇餉銀每月由屯守備造具名冊給領申請給發印票自赴屯倉支領並無輕秤剋扣賤折錢價及虧短斛面發價採買等弊又練勇於青黃不接及年節時預借銀穀係由該道於苗疆經費內籌款墊發分月扣還亦無折扣利息之事復經該委員摘傳鎮道兵勇查訊眾口僉同取結存案是該鎮道散放兵勇餉米尙無情弊似屬可信惟查各兵丁例支本色米石雖屬按名足發而其中有願領米者有願折錢者向來各從其便緣兵丁素無生計者全賴領米以資餬口卽以本色支放其稍有恆

產者需錢使用不願領米照時價折發雖非定例然相沿已久且係便兵之意未便遽行更易應請仍循其舊其練勇預借銀穀分月扣還亦爲體恤丁艱量予接濟若遽停止未免丁情拮据但頻頻借貸愈積愈多究屬濫支現在該道交代銀穀鞫轉不清其中必有練勇借貸穀石一項經臣裕泰奏明清查此後應如何酌定限制借給之處容俟於清查案內另籌辦理

一原奏道標練勇額設教習並加賞銀兩近來全以虛名造冊報銷其加賞銀一千餘兩並不如數給發此後應照例挑充發給等語臣等卷查嘉慶十二年苗疆均屯未盡事宜案內奏明於練勇一千名內設百總十名總旗二十名小旗一百名並挑選散勇內



技藝較優者一百七十名合共三百名作為教習約束散勇於例給餉銀口糧外每名歲加銀三兩六錢按月散放如有革故辭退出缺隨時挑驗拔補現據委員王簡移道查覆此項教習該道歷係照額挑補並非虛造名冊報銷其加賞銀兩亦無短扣情弊現有守備冊領可稽並經該委員將現設各教習按名點驗實係如額訊據各隊目僉供加賞銀兩俱係如數支領情願出具甘結等語查核尚屬實情應飭該道嗣後務照舊章挑選加賞辦理以示獎勵而嚴約束不准日久滋弊

一原奏鎮標向有存項每歲買糧千石存貯以備兵食之不足近來該鎮因此漁利如買糧九錢一石即開銷兵丁一兩且買糧係市平扣餉係庫平於兵丁仍無便益以後應照買價扣算嚴禁影射盤剝等語<sub>臣</sub>等查鎮軍標兵丁共四千一百五十一名每年兵米自六月起至十二月止均支折色每名每日僅得米折銀六釐羅米不過二三合不敷食用經該前任總兵富志那體念兵艱籌備銀一萬兩奏明每年秋收後在鎮軍城鄉採買穀石於青黃不接之時借給兵丁以資接濟仍於月餉扣還歸款道光四年前任總兵陳堦平因鎮軍山多田少產糧無幾此項接濟之穀歲需萬石本地難以羅買與前任辰永道張映蛟議將前項銀兩交道就近買備屯穀一萬石散放各稱便益以後相沿辦理現據委員王簡調核案卷歷任該鎮買備前項屯穀解道銀兩均係庫平庫



色其糧價或一兩或九錢七八分亦與扣收兵丁餉銀數目相符  
並據查明苗疆有屯各廳縣所收穀石僅敷本境公用惟永綏廳  
收穀爲多前項營買之穀向於永綏廳撥給該廳離鎮算三百里  
艱於挽運所費較多是以每石需價一兩或九錢數分不等並無  
藉此漁利影射盤剝情弊惟查此項穀石原爲接濟兵丁而設若  
因運費需資加增價值扣餉歸還仍不足以資調劑今臣等酌中  
定議嗣後該營買備此項屯穀價銀連運費並計總以八錢爲率  
倘有不敷由該道自行籌補如此量爲變通於兵食稍有裨益  
一原奏該道每歲巡閱苗寨二次舊准詳銷賞號穀八百餘石近  
來該道閒歲巡閱一次而每歲詳銷賞號私圖肥己並不如數給

發以後按年二次出巡照例實發賞號等語臣等查辰永沅靖道  
從前巡閱苗寨每年原止一次嘉慶十四年因前任該道傅鼐陞  
任本省臬司苗民懇畱經前撫臣奏奉

上諭着傅鼐每年於秋審事竣或秋成之時前赴苗疆查閱一次既可  
慰苗民愛戴之情亦可藉資彈壓如果接任之員經理得宜傅鼐於  
二三年後即停止前往欽此以後遂定爲臬司巡閱一次道員巡閱  
一次迨傅鼐病故前任各道察看地方情形每年巡閱一次二次  
不等並詳定每歲巡閱准銷賞號穀一千石歷年以來均止支銷  
穀七八百石不等惟十二年該前道翟聲煥因猺匪滋事本任地  
方緊要未經出巡即以前項穀石賞給出師備弁丁勇人等作爲



盤費等項之用於道光十四年清查案內奏明不准開銷飭令賠還原款在案茲據委員王簡查明近年歷任各道止有十五年前革道常慶因清查屯務未經出巡然仍調齊各苗弁人等自行捐辦袍褂銀牌等項按名賞給並未動款報銷本年該護道姚華佐於四月到任適值農忙定於冬令前往巡閱此外並無未經出巡捏銷賞號之事惟查該道前因苗疆甫經戡定是以每年出巡一二次以資彈壓今苗疆承平日久地方安謐且今年奏准將永順等八府州廳屬軍流徒罪人犯改歸該道就近審轉政務較繁若仍令每年巡閱二次轉致有名無實嗣後應請定為每年秋收後巡閱一次不准再有藉延仍令該道將起程回署各日期詳報督

撫查考並令各廳縣將該道入境出境日期通報以防日久生懈  
虛稟塞責

一原奏辰永沅靖道責任最重近來該省輒以熟悉情形為名於三廳同知保陞安知控馭之道尤可駭者近來該道拔補苗千總苗守備等官竟須一二百金方能補放並補屯長屯丁亦須用錢打幹此後自應於本省知府內保題或於道員中調補如道府無人即奏請

簡放所屬各廳同知並嚴加甄別不得任貪劣之員貽誤地方等語  
等查辰永沅靖道本係請

旨簡放之缺因平苗以後設立屯防事務殷繁必須熟悉情形之員方



資治理改爲題缺由外揀補歷年遇有缺出多以熟悉苗情之同知請陞惟越級陞補究屬違例本年欽奉

諭旨辰沅永靖道嗣後着湖廣總督湖南巡撫於該省知府內揀員奏

請陞補不得輒以同知請陞等因欽此本年因該前道常慶參革遺

缺業經臣訥爾經額臣裕泰欽遵以岳州府知府王簡奏請陞署

在案嗣後該道缺出總當恪遵

諭旨於通省知府內揀員陞補不得輒以同知請陞以重職守而符定

例其所屬各同知亦俱係苗疆要缺臣訥爾經額臣裕泰自當隨

時查察如有貪劣之員卽行嚴加甄別斷不任貽誤地方至近年

各該道拔補苗備弁及屯長等缺飭據委員王簡查覆均係照例

秉公遴拔並無行賄打幹情弊摘傳苗弁吳廷用屯丁周屯盛富

等三十餘員按名查訊僉供無異情願具結是近年各該道驗補

各缺尙無弊端應飭嗣後仍遵定例妥爲辦理

以上各條均係現在邊屯肯要足資整頓臣訥爾經額臣裕泰惟

當諄飭該道會同臣楊芳督率廳弁等官實心經理加意撫馭務

期久遠無弊以仰副

聖主慎重苗疆籌計安全之至意所有臣等欽遵會議緣由謹合詞恭

摺具奏伏乞

皇上聖鑒訓示謹

奏奉



硃批另有旨欽此道光十六年十二月十七日內閣奉

上諭訥爾經額等奏遵旨會議章程一摺前因給事中常大滄陳奏湖南鎮算鎮善後章程當降旨令訥爾經額裕泰楊芳會同妥議茲據該督等詳悉會核按款臚列具奏朕詳加披閱據奏鎮算練勇土著貧苦應扣借款尚多且當甫經懲辦之後著暫行循照舊章俟一二年後丁力稍紓察看情形籌議辦理其該處兵丁練勇嗣後不准以外來遊民充當如有混行保送及率准充補情事即著分別參處至散放兵勇餉米現據該督等查無情弊其例支本色米石或願領折錢應從其便至豫借銀穀雖係體恤丁情但頻年借貸愈多究屬濫支著該督等於清查案內將如何酌定限制之處另籌辦理至練勇

額設教習加賞銀兩既經該督等查明並非虛造名冊亦無短扣情形著飭該道務照舊章無任日久滋弊其該營買備屯穀價銀連運費並計嗣後總以八錢爲率倘有不敷即由該道自行籌補其巡閱苗寨著定於每年秋收後令該道巡閱一次不准再有藉延仍將起程回署日期詳報查考並令各廳縣將該道入境出境日期通報至辰永沅靖道著仍遵前旨於通省知府內揀員陞補不得以同知請陞所屬各同知如有貪劣之員即著嚴加甄別其拔補苗備弁及屯長等缺務須嚴絕行賄打幹情弊經此次議定之後該督等務宜諄飭該道會同該鎮督率廳弁等實心經理加意撫馭期於經久無弊用副朕慎重苗疆籌計安全至意該部知道欽此



湖南苗防屯政卷八  
七

附奏請清查屯防片

道光十六年

湖南巡撫 裕泰

再湖南苗疆自嘉慶二年戡定以後議於鳳凰乾州永綏瀘溪麻陽保靖古丈坪等廳縣設立均田屯勇以資捍衛經前任辰沅道傅鼐修礮築堡練勇挑丁陸續均出田土共計十五萬二千餘畝分別給丁領種召佃收租以供屯防經費屯苗丁弁且耕且守以本地所生之財為本地衛民之用寓兵於農洵為籌邊良法嗣又先後籌撥銀六萬兩以二萬兩存貯道庫餘銀買備穀四萬餘石同苗倉積貯穀石分貯各廳縣以備緩急之需其屯防訓練撫綏教養各事宜籌定章程奏明遵守原欲使民苗永遠樂業相安無事惟是治安既久漸生懈弛兼之歷任道員不得其人遂至積弊



日增積怨曰甚苗官之盤剝屯長之侵蝕書役之勒索丁佃之典當種種弊端均所不免現在交代銀穀既多轉轄而丁勇借款日益加增陳陳相因浸無限制因而羣生覬覦之心至有鼓譟挾借勾結戕官之事雖前案業經督臣訊明奏辦而以數千驕卒養成桀驁目無官長號令不行此時自知情重法輕仍不免動多疑懼激則變生又全在該鎮道輕重得宜寬猛並濟若一味因循遷就示惠養奸正所謂撫之以恩亦恐恩竭則慢且兵勇之設原所以捍衛苗疆近聞該處兵丁多與苗人聯姻尤易啟串通勾結之漸大干例禁本年鎮筸兵勇挾借滋事各廳苗人已生觀望再加以苗官之刻薄屯長之侵欺竊恐苗疆之患有不可勝言者臣自願

輕材心長力短封疆至重不敢不杜漸防微再四思維惟有先將該道經管屯防事宜澈底清查舉凡民苗生計兵勇口食並應興應革有關於利弊者斟酌損益另行妥議章程使兵弁丁勇曉然於中咸知經費有常不致妄生挾制仍責成該鎮道實力整頓恩威並行庶幾積弊可清經久不做以期仰副

聖主綏靖苗疆之至意謹

奏奉

硃批經國遠猷必當隨時整飭汝能見及深屬可嘉妥議奏來欽此



<p>海國圖志卷之四</p>	<p>四</p>	<p>五</p>	<p>六</p>	<p>七</p>	<p>八</p>	<p>九</p>	<p>十</p>	<p>十一</p>	<p>十二</p>	<p>十三</p>	<p>十四</p>	<p>十五</p>	<p>十六</p>	<p>十七</p>	<p>十八</p>	<p>十九</p>	<p>二十</p>	<p>二十一</p>	<p>二十二</p>	<p>二十三</p>	<p>二十四</p>	<p>二十五</p>	<p>二十六</p>	<p>二十七</p>	<p>二十八</p>	<p>二十九</p>	<p>三十</p>	<p>三十一</p>	<p>三十二</p>	<p>三十三</p>	<p>三十四</p>	<p>三十五</p>	<p>三十六</p>	<p>三十七</p>	<p>三十八</p>	<p>三十九</p>	<p>四十</p>	<p>四十一</p>	<p>四十二</p>	<p>四十三</p>	<p>四十四</p>	<p>四十五</p>	<p>四十六</p>	<p>四十七</p>	<p>四十八</p>	<p>四十九</p>	<p>五十</p>
----------------	----------	----------	----------	----------	----------	----------	----------	-----------	-----------	-----------	-----------	-----------	-----------	-----------	-----------	-----------	-----------	------------	------------	------------	------------	------------	------------	------------	------------	------------	-----------	------------	------------	------------	------------	------------	------------	------------	------------	------------	-----------	------------	------------	------------	------------	------------	------------	------------	------------	------------	-----------



